

INCLUDIS 2021

Progetus de Inclusioni sotziales e de traballu de personas cun isentimentus

Assi Inclusioni sotziales PO FSE 2014-2020 – OT 9 – Prioridadi I

Obietivu specificu 9.2. Atzioni 9.2.1 "INCLUDIS 2021"

Progetus de inclusioni sotziales e de traballu de personas cun isentimentus (disabilità)

AVISU INFORMATIVU

po s'achisitzioni de manifestatzioni de interessu chi tenint sa punna de individuai sugetus chi allògiant disponìbilis po acolli is destinatàrius de su progetu Includis in atividadis de tìrotzìniu

Su COMUNU DE ÌSILI

Enti Gestori de s'Àmbitu PLUS SARCIDANU BARBÀGIA DE SEULU

- Bida sa Determinatzioni de sa Diretzioni Generali de is Políticas Sotziales – Regioni Autònoma de sa Sardigna nùmeru 391 Protocolu nùmeru 11227 de su 3 de austu 2021 de aprovatzioni de s'Avisu pùbliku "INCLUDIS 2021" - Progetus de inclusioni sotziales e in su traballu de personas cun isentimentus e Linias de Ghia po sa Gestioni e su Rendicontu de is progetus;
- Torrada a intzerriai sa Determinatzioni de su Comunu etotu nùmeru **87 de su 16 de cabudanni 2021** – cun sa cali est stètiu aprovau s'Avisu pùbliku po s'arregorta de manifestatzionis de interessu chi tenint sa punna de fàiri una cumpositzioni de una atzioni comuna po sa coprogetatzioni e po s'atuatzioni de progetus de inclusioni sotziales e de traballu de personas cun isentimentus;
- Torrada a intzerriai sa Determinatzioni de su Comunu etotu nùmeru **45 de su 12 de su mesi de argiolas 2022** cun sa cali est stètiu aprovau s'Avisu pùbliku e is mòdulus chi serbint po s'arregorta de manifestatzionis de interessu cun sa punna de individuai sugetus chi allògiant disponìbilis po acolli is destinatàrius de su progetu in atividadis de tìrotzìniu;

FAIT SCIRI

chi is aziendas, impresas, operadoris econòmicus, cooperativas etzètera e entis pùblicus, in fatu denumenaus "sugetus chi allògiant" chi tenint interessu po acolli is beneficiariis de su Progetu "Includis" podint presentai sa manifestatzioni de interessu e de adesioni insoru, ponendu a menti is indicatzionis chi s'ghint:

1. OBIETIVUS DE SU PROGETU

Sa punna de is progetus de inclusioni sotziales e de traballu chi funt in s'avisu "INCLUDIS" est sa reinsertada sotziales partetzipada de sa persona cun isentimentu, po una ocupabilidadi prus manna e po una partetzipatzioni a su mercu de su traballu de sa pròpria persona, po mèdiu de su sviluppu de caminus integrais e de meda livellus de inclusioni ativa e de sustennu po s'insertada sotziales e de traballu.

A manera particulari, si bolit fàiri una pigada in càrrigu de meda professionis e una personalizzioni de

s'insertada, po mèdiu de tirozinius de orientamentu, formazioni e insertada/reinsertada cun sa punna de s'inclusioni sotzialis, de s'autonomia de is personas e de sa riabilitazioni de mannus e, bastit chi apant acumpriu a s'òbligu formativu, piticus, cun isentimentus e chi non siant ocupaus, pigaus in càrrigu de is servìtzius sotzialis professionalis e/o de servìtzius sanitàrius cumpetentis.

2. CARATERÌSTICAS DE IS DESTINATÀRIUS

SU PROGETU INCLUDIS previdit sa acumprida de caminus de inclusioni sotzialis po personas cun isentimentus chi tenint custas caraterìsticas:

1. isentimentu (disabilità) reconnotu de s'artìculu 3 de sa Lei 104/92 e mudaduras e aciuntas afatantis;
2. strobu de sa menti o de su campu autìsticu in càrrigu a is Dipartimentus de Saludi Mentali e Dipendènzias-Centrus de Saludi Mentali o UONPIA;
3. isentimentus de sa menti e/o psìchica in càrrigu a is servìtzius sòtziu-sanitàrius.

Is personas, residentis in su territòriu de su Plus **SARCIDANU BARBÀGIA DE SEULU**, ant a èssiri seberadas a cunsertu cun is servìtzius sòtziu sanitàrius, partendu de una anàlisi pretzisa e documentada de unu bisòngiu evidenti de amparu e inclusioni sotzialis in unu cuntestu specifìcu de riferimentu, e fintzas de una possibilitadi reali de afrontai is caminus propositus.

3. TIPOLOGIA E DURADA DE S'INSERTADA IN SU TRABALLU

S'insertada in su traballu est un'aina educativa/formativa po facilitai s'insertada in su mercadu de su traballu de sugetus chi funt in is aici naradas fàscias dèbilis po mèdiu de un'esperientzia de traballu. S'insertada in s'azienda, s'impresa, s'enti pùblicu etzètera non constituit una relatzioni de traballu dipendenti cun su sogetu chi allògiat, e at a tènniri una durada de 6 (SESI) mesis.

Po ònnia destinatàriu at a èssiri aprontau unu progetu individuali de tiroziniu a uba ant a èssiri pianificadas is atividadis pretzisas. Ònnia tiroziniu at a dèpiri previdiri una frequèntzia in sa chida non prus manna de s'80% de s'oràriu previdiu de su cuntratu colletivu aplicau de su sugetu chi allògiat. Is custos de su tiroziniu funt a càrrigu de su finantziamentu chi est in s'avisu "Includis".

Po ònnia destinatàriu est previdia, in prus de sa formazioni e s'idoneidadi a su traballu, unu tutor de s'azienda, e sa figura de su tutor de acumpangiamentu chi at a suportai su destinatàriu e s'azienda po totu su caminu de insertada sotzialis e de traballu.

4. RECHISIUS DE IS SUGETUS CHI ALLÒGIANT

Is sugetus chi allògiant ant a pòdiri èssiri:

- datoris de traballu pùblicus o privaus;
- cooperativas de tipu A e B, constituias a manera formali iscritas in s'albu regionali de is cooperativas sotzialis e de is cunsòrtzius segundu sa Lei 381 de su 1991 e sa Lei Regionali 16 de su 1997 o insertaus in su Registru de is assòtzius de promotzioni sotzialis segundu sa Lei nùmeru 383 de su 2000 e sa Lei Regionali 23 de su 2005.

Segundu s'artìculu 8 de su Bandu regionali INCLUDIS, is sugetus chi allògiant ant a dèpiri tènniri in prus custus rechisius:

1. tènniri una sedi operativa in Sardigna;
2. èssiri in règula cun sa norma chi regulat su deretu a su traballu de disàbilis;
3. no àiri protzèdiu in is 12 mesis a in antis de sa data de publicazioni de s'avisu a litzentziamentus po

ridutzioni de su personali (esclùdia s'ipòtesi de litzentziamentu po càusa giusta o po motivu sugetivu giustificau) e no àiri fatu, in is sesi mesis a in antis de sa presentatzioni de sa dimanda, litzentziamentus de personali chi teniat sa pròpria cualifica o profilu professionali ogetu de s'insertada, francu cussus po càusa giusta o po motivu sugetivu giustificau;

4. non tènniri protzeduras de càscia integratzioni (ordinària, mobìlidadì straordinària o in dèroga) po is dipendentis insoru, prus a notu chi interessant sugetus chi tenit sa pròpria cualifica o profilu professionali ogetu de s'insertada in su momentu de presentatzioni de sa dimanda ni a ddus àiri tentus in is sesi mesis a in antis de sa presentatzioni; sa proibitzioni non ddu est chi is traballadoris in antis in càscia integratzioni ant torrau a incumentzai s'atividadì regulari de traballu in su momentu de sa presentatzioni de su progetu;
5. èssiri in règula cun sa norma in matèria de seguresa de su traballu;
6. no èssiri in statu de fallimentu, de licuidatzioni, de sessamentu de atividadi o de preventivu cuncordau e in cali si siat atra situatzioni ecuivalenti segundu sa legislatzioni de su statu suu, o puru de non tènniri in cursu unu protzedimentu po sa declaratzioni de una de cussas situatzionis e chi cussas tzircustàntzias non si funt verificadas in is urtimus cincù annus;
7. de non tènniri unu rapresentanti legali chi in is suos cunfrontos funt apertus protzedimentus po s'aplicatzioni de una de is mesuras de preventzioni chi funt in s'artìculu 6 de su decretu legislativu nùmeru 159 de su 2011 o de una de is càusas ostativas previdias de s'artìculu 67 de su decretu legislativu nùmeru 159 de su 2011;
8. aplicai totu su CCNL de riferimentu;
9. èssiri iscritu, chi ddu depit fàiri, in su Registru de is Impresas de sa CCIAA.

Is sugetus chi allògiant in prus depint assegurai in sa sedi insoru sa presèntzia de unu tutor de s'azienda chi tenit esperièntzia e capassidadì adeguada po garantiri su sustennu professionali e de traballu de s'azienda chi allògiat e sa resessida de is punnas de su tirotzìniu. Ònnia tutor de su sugetu chi allògiat podit acumpangiai finas a non prus de tres tirotzinantis.

5. DERETUS E DOVERIS

Su sogetu chi allògiat at a dèpiri numenai a intru de su sogetu etotu unu tutor de s'azienda chi tenit s'esperìntzia e sa capassidadì adeguada po garantiri su sustennu professionali e de traballu de s'azienda chi allògiat e sa resessida de is punnas de su tirotzìniu. Ònnia tutor de su sugetu chi allògiat podit acumpangiai finas a non prus de tres tirotzinantis.

Est previdia sa sutascritzioni de unu acordu intre s'Ambito Plus, sugetu chi atuat, e su sugetu chi allògiat, a uba ant a èssiri acrarais is impinnus pari-pari e is nòminis de is destinatàrius de sa "bursa de traballu".

Su **PLUS SARCIDANU BARBÀGIA DE SEULU** at a providiri, po is beneficiàrius de su progetu, a s'apertura de una posizioni assicurativa INAIL, e puru a sa copertura assicurativa po RCT e RCO in una cumpangia assicurativa idònea.

6. PRESENTATZIONI DE SA MANIFESTATZIONI DE INTERESSU

Sa presentazioni de sa manifestazioni de interessu at a dèpiri èssiri fata de is sugetus pùblicos e privaus chi tenint is rechisius po partetzipai, imperendu feti su mòdulu "**Allegato 1B – Lettera di intenti ad accogliere i destinatari e ad avviare le attività di tirocinio**" cumpilau beni, cun sa data e sutascritu e allegai una còpia de unu documentu de identidadì in cursu de valididadì de su chi at sutascritu.

Is mòdulus s'ant a pòdiri agatai in is Comunas de s'Ambitu territoriali Plus **SARCIDANU BARBÀGIA DE SEULU** e in su giassu istitutzionali de su Comunu de Isili: <https://www.comune.isili.ca.it>

Sa dimanda at a pòdiri èssiri intregada:

a manu in una busta serrada in s'**ufitziu prisia de su Comunu de Isili**;

cun una **racumandada cun avisu de erricida** a s'indiritzu **Piazza San Giuseppe, 6 09056, Isili (SU)**;

cun una **PEC** a s'indiritzu protocollo.isili@pec.it

A foras de sa busta o in s'ogetu de sa mail/pec at a dèpiri èssiri scritu:

PROGETTO Inclusis – Manifestazione d'interesse ad accogliere i destinatari.

7. INDIVIDUATZIONI DE IS SUGETUS CHI ALLÒGIANT

Is manifestatzionis de interessu arribadas ant a èssiri valutadas e seberadas segundu is rechisius previdius in custu bandu, peronu tènniri is rechisius chi serbint non constituit deretu po su sugetu chi allògiat a s'assegnatzioni de unu destinatàriu. Chi su nùmeru de is manifestatzionis de interessu intregadas funt prus pagu de is insertadas previdias o chi su resurtu de is valutatzionis cumparadas intre dimanda e oferta, non resurtat chi rispundit a is aspetativas, atitudini, vocatzioni, interessus etzètera de is benefitziàrius, su Plus si lassat – segundu su giuditziu suu chi non si podit sindacai - sa facultadi de seberai atras solutzionis adeguadas a sa resessida de is punnas de su progetu.

8. NORMAS DE ACABU

una borta chi funt arribadas totu is manifestatzionis de interessu, su Plus si lassat sa facultadi de imperai is manifestatzionis de interessu po atrus progetus chi assimbillant a custu.

Po atras informatzionis si podit intzerriai:

Ufitziu de Pianu **PLUS SARCIDANU BARBÀGIA DE SEULU** – telèfunu **0782 804466**